

中國文學研究典籍叢刊

〔明〕高 棟 編纂 汪宗尼 校訂 葛景春 胡永傑 點校

唐詩品彙

七

中華書局

中國文學研究典籍叢刊

唐詩品彙

七

〔明〕高 棟 編纂 汪宗尼 校訂
葛景春 胡永傑 點校

中華書局

唐詩拾遺目錄(卷之二)

五言古詩(下)

- 劉長卿(五) 錢 起(五) 皇甫冉(四) 韓 翃(三) 盧 綸(二) 姚 係(二) 陳
存(一) 嚴 維(一) 釋皎然(一) 李 端(一) 顧 況(四) 李 益(三) 朱 灣
(一) 暢 當(一) 楊 衡(一) 于 鵠(一) 德宗皇帝(一) 權德輿(三) 武元衡
(三) 李夷蒨(今按，據本書後文及姚本，當爲「簡」)(一) 劉禹錫(三) 李正封(一) 張 籍
(二) 王 建(一) 呂 溫(一) 孟 郊(五) 歐陽詹(一) 白居易(一) 元 稹(三)
鮑 溶(一) 姚 合(一) 陳 陶(二) 温庭筠(二) 劉 駕(一) 陸龜蒙(一) 任
翻(一)

唐詩拾遺卷之二

五言古詩（下）

劉長卿

寄李侍御

舊國人未歸，芳洲草還碧。年年湖上春，悵望江南客。驄馬西入關，白雲獨何適。相思煙水外，惟有心不隔。

橫龍渡

空傳古岸下，曾見蛟龍去。秋水晚沉沉，猶疑在深處。亂聲沙上石，倒影雲中樹。獨見一扁舟，樵人往來渡。

送裴四判官赴河西軍試

吏道豈易愜，如君誰與儔。逢時將騁驥，臨事無全牛。鮑叔幸相知，田蘇頗同遊。英姿挺孤秀，清論含九流。（今按，《全唐詩》作「古流」，注云：一作「風流」，又作「九流」。）出塞佐持簡，辭家擁鳴騶。憲臺貴公舉，幕府資良籌。武士佇明試，皇華難久留。陽關望天盡，洮水令人愁。萬里看一鳥，曠然煙霞收。晚花對古戍，春雪寒（今按，《全唐詩》作「含」）邊州。道路雖暫隔，音塵仍（今按，《全唐詩》作「那」）可求。他時相望處，明月西南樓。

奉使新安自桐廬縣嚴陵釣臺宿七里灘下寄使院諸公

悠然釣臺下，懷古時一望。江水自潺湲，行人獨惆悵。新安從此始，桂楫方蕩漾。迴轉
百里間，青山千萬狀。連崖去不斷，對嶺遙相向。夾岸黛色秋（今按，《全唐詩》作「愁」），沉沉
綠波上。夕陽留古木，水鳥拂寒浪。月下扣舷聲，煙中採菱唱。猶憐負羈束，未暇依清
曠。牽役徒自勞，近名非所向。何時故山裏，卻醉松花釀。迴首唯白雲，孤舟復誰訪。

早春贈別趙居士還江左時長卿下第歸嵩陽舊居

見君風塵裏，意出風庭（今按，據姚本及《全唐詩》，當爲「塵」）外。自有滄洲期，含情十餘載。深居
鳳城北（今按，《全唐詩》作「曲」），日預龍華會。果得僧家緣，能遺俗人態。一身今已適，萬物
如何愛。悟法電已空，看心水無礙。且將窮妙理，兼欲尋勝概。何獨謝客遊，當爲遠公
輩。放舟馳楚郭，負杖辭秦塞。目送南飛雲，令人想吳會。遙思舊遊處，髣髴疑相對。
夜火金陵城，春煙石頭瀨。滄波極天末，萬里明如帶。一片孤客帆，飄然向青靄。楚天

含（今按，《全唐詩》作「合」）江氣，雲色常霏。隱見湖中山，相連數州內。君行意可得，全與時人背。歸路隨楓林，還鄉念蓴菜。顧予尚羈束，何幸承眄睐。素願徒自勤，清機本難逮。累年（今按，《全唐詩》作「幸」）忝賓薦，末路逢沙汰。濩落名不成，徘徊意空大。逢時難（今按，《全唐詩》作「雖」）貴達，守道甘易退。逆旅鄉夢頻，春風客心碎。別君日已遠，離念無明晦。子（今按，姚本及《全唐詩》作「子」）亦返紫（今按，姚本、四庫本、《全唐詩》作「柴」）荆，山田事耕耒。

錢起

雨中望海上懷鬱林觀中道侶

山觀海頭雨，懸森（今按，四庫本、《全唐詩》作「沫」）動煙樹。只疑蒼茫裏，鬱鳥（今按，《全唐詩》作「鳥」）欲飛去。大塊怒天吳，驚潮蕩雲路。羣真儼盈想，一葦不可渡。惆悵赤城期，願假輕鴻馭。

廣德初鑾駕出關後登高愁望

長安不可望，望處邊愁起。
輦轂混戎夷，山河空表裏。
黃雲壓城闕，斜照移烽壘。
漢幟遠成霞，胡馬來如蟻。
不知涿鹿戰，早晚蚩尤死。
渴日候河清，沉憂催暮齒。

海畔秋思

匡濟難道合，去留隨興牽。
偶爲謝客事，不願平子田。
魏闕賁翹楚，此身長棄捐。
箕裘空在念，拙拙（今按，《全唐詩》作「咄咄」）誰推賢。
無用卽明代，養痾仍壯年。
日夕望佳期，帝鄉路幾千。
秋風晨夜起，零落愁芳荃。

過沈氏山居

雞鳴孤煙起，靜者能卜築。
喬木出雲心，閑門掩山腹。
貧交喜相見，把臂歡不足。
空林

留宴言，永日清耳目。泉聲冷樽俎，荷氣香童僕。往往仙犬鳴，樵人度深竹。酒酣出谷口，世網何羈束。始願今不從，區區折腰祿。

羅章陵令山居過中峰道者

（今按，據《全唐詩》，「羅」當爲「罷」）

丘壑趣如此，暮年始棲隱。（今按，《全唐詩》作「偃」）。賴遇無心雲，不笑歸來晚。鳴鳩拂紅枝，初服傍清畎。昨日山僧來，猶嫌嘉遁淺。託君紫陽家，路滅心更遠。梯雲創其居，抱犢上絕巘。杏田溪一曲，霞徑（今按，《全唐詩》作「境」）峰幾轉。跂（今按，《全唐詩》作「路」）石揖（今按，《全唐詩》作「掛」）飛泉，謝公應在眼。願言攜手去，採藥長不返。

皇甫冉

屏風上各賦一物得攜琴客

不是向空林，應當就磐石。白雲知隱處，芳草迷行跡。如何祇役心，見你（今按，據姚本及《全唐詩》，當爲「爾」）攜琴客。

寄高雲

南徐風日好，悵望毘陵道。毘陵有故人，一見恨無因。獨戀青山久，唯令白髮新。每嫌持手板，時見着頭巾。煙景臨寒食，農桑接仲春。家貧仍嗜酒，生事今何有。芳草遍江南，勞心憶攜手。

雜題

與張補闕、王鍊師自徐方清路同舟而（今按，《全唐詩》無「而」字，後文「臺頭寺」前有「於」

字)南下，臺頭寺留別趙員外、裴補闕同賦。

朝朝春事晚，汎汎行舟遠。淮海思無窮，悠揚煙景中。幸將仙子去，復與故人同。高枕隨流水，輕帆任遠風。鐘聲野寺迴，草色故城空。送別高臺上，徘徊共惆悵。懸知白日斜，定是猶相望。

曾東遊以詩寄之

出郭離言多，迴車始知遠。寂然曾(今按，據《全唐詩》，當爲「層」)城暮，更念前山轉。總轡越城(今按，《全唐詩》作「成」)皋，浮舟背梁苑。朝朝勞延首，往往若在眼。落日孤雲還，邊愁迷楚關。如何椒(今按，《全唐詩》作「淑」)花發，復對遊子顏。古寺杉栝裏，連檣洲渚間。煙生海西岸，雲見吳南山。驚風掃蘆荻，飜浪連天白。正是揚帆時，偏逢江上客。由來許佳句，況乃愜所適。嵯峨天姥峰，翠色春更碧。氣淒(今按，《全唐詩》作「淒」)湖上雨，月淨剡中夕。釣艇或相逢，江蘼又堪摘。迢迢始寧野，蕪沒謝公宅。朱槿列摧墉，蒼苔徧幽石。顧予任疏懶，期爾振羽翮。滄洲未可行，須售金門策。

韓
翊

送李明府赴滑州

渭城寒食罷，送客歸鳥（今按，《全唐詩》作「遠」）道。烏帽背斜暉，青驪踏春草。酒醒孤燭夜，衣冷千山早。去事沈尚書，應憐詞賦好。

送客遊江南

桂水隨去遠，賞心知有餘。衣香楚山橘，手膾湘波魚。方（今按，據姚本及《全唐詩》，當爲「芳」）芷不共把，浮雲悵離居。遙想汨羅上，弔屈秋風初。

送李司直赴江西使幕

斂板辭漢庭，進帆歸楚幕。五（今按，《全唐詩》作「三」）江城上轉，九里人家泊。好酒近宜城，能詩謝康樂。雨晴西山樹，日出南昌郭。竹露點衣巾，湖煙濕扁鑰。主人蒼玉珮，後騎黃金絲（今按，據姚本及《全唐詩》，當爲「絡」）。高枕領八州，相期同一鶴（今按，《全唐詩》作「鸚」）。行當報已知（今按，據《全唐詩》，當爲「知己」），從此飛寥廓。

盧 綸

同吉孚夢桃源

（今按，據《全唐詩》，「吉」後脫「中」字。）

夜靜春夢長，夢逐仙山客。林園（今按，《全唐詩》作「園林」）滿芝朮，雞犬傍籬柵。幾處花下人，看余笑頭白。

送道士郗彝素歸內道場

病老正相仍，忽逢張道陵。羽衣風淅淅，仙貌玉稜稜。叱我問中壽，教人祈上昇。樓居五雲裏，幾喚（今按，《全唐詩》作「與」）武皇登。

姚 係

秋夕會友

倦客易相失，歡遊無良辰。忽然一夕間，稍慰闔家貧。白露下庭梧，孤琴始悲辛。迴風入幽草，蟲響滿四鄰。會遇更何時，持杯重殷勤。

楊參軍莊送宇文邈

秋雲冒原隰，野鳥滿林聲。愛此田舍事，稽君車馬程。離堂慘不喧，脈脈復盈盈。蘭葉一經露（今按，《全唐詩》作「霜」），香消爲贈輕。燈光耿方寂，蟲思隱逾（今按，《全唐詩》作「餘」）清。相望忽無際，如含江水清（今按，《全唐詩》作「情」）。

陳存

送劉秀才南歸（今按，一作劉復詩）

爲別（今按，《全唐詩》作「鳥啼」）楊柳垂，此別千萬里。古路人南（今按，《全唐詩》作「商」）山，春風生（今按，《全唐詩》作「去」）灞水。停車落日在，罷酒離人起。蓬戶寄龍沙，送歸情詎已。

嚴維

送丘爲下第歸蘇州

滄江一身客，獻賦空十年。明主豈能好，今日誰舉賢。
媚春水，綠蘋香客船。無媒既不達，余亦思歸田。
國門稅征駕，旅食謀歸旋。曠日

僧皎然